

OBUFA JERUSALEM

Eriyarare 21:1-27

QYQHỌ UKPEP-ÑKPỌ 466

Eke Ikpọ Owo

IKỌ IBUOT: “Edi baba ñkpọ ndek kiet ididukke ke esit, ye owo eke anamde mbubiam ido onyuñ osude nsu; ke mibòhọke mmọ ikpọñ-ikpọñ emi ewetde enyiñ mmọ ke ñwed uwem Eyen-erọñ” (Eriyarare 21:27).

I Kpukpru Ñkpọ Edi Mbufa

- 1 John okokut obufa Heaven, obufa isọñ, ye obufa Jerusalem, Eriyarare 21:1, 2; Isaiah 65:17; 66:22; John 14:2, 3; 2 Peter 3:13
- 2 John okokop Uyo otode Heaven etiñde nte edisana ebiet iduñ Abasi ye owo etiede, Eriyarare 21:3, 4; 7:15-17
- 3 Ebierikpe ke Ebekpo ọdọñ utibe ikot emi adade osim uwem nsinsi; edi utip mmọ emi esinde edi udiana mkpa, Eriyarare 21:5-8; 20:14, 15; 22:17

II Nte Obufa Jerusalem Etiede

- 1 Angel akada John asaña ekpere man otim okut Obufa Jerusalem emi, Eriyarare 21:9, 10; Mme Hebrew 11:10, 16; 13:14
- 2 Obio oro oto Heaven ọsuhọre; etiñ ofuri-ofuri ebaña nte enye etiede ye nte okponde, Eriyarare 21:10-18
- 3 Mme itiat-ukot-ufọk obio emi edi nsọñ-urua itiat enyuñ eda pearl enam mme inua-otop esie, Eriyarare 21:19-21
- 4 Abasi ye Eyen-erọñ edi Itie-ukpono Abasi ye uñwana enọ Obio oro, Eriyarare 21:22, 23; Isaiah 60:19, 20
- 5 Mmọ emi enyañade ikpọñ edinyene mme edidiọñ edisana obio oro, Eriyarare 21:24-27

SE EKPEPDE EBAÑA

Obufa Enyọñ ye Obufa Isọñ

Nnyin imekpep ibaña akwa Afia Ebekpo ye Enye emi etiede ke esit emi isọñ ye enyọñ efeñede ekpọñ iso Esie. Ubierikpe kpukpru ndiọi owo emi mikafakke, emi ekedude ke ererimbot edi ubiomikpe ye udiana mkpa, enyuñ emen mmọ eduok ke mkpọdiọhọ ikañ. Edi nso utọ ukpuhọre mbuk ye mmọ emi enyañade! Mmọ ekut eridi obufa Heaven ye obufa isọñ nte ọyọhọde ye ubọñ emi akakde edeme owo nditiñ ọyọhọ-ọyọhọ mme ekikere owo ndikere.

Ke eritọñ, Abasi ọkọsuhọre edisaña onyuñ etiñ ikọ ye owo, emi Enye okobotde. Idahaemi John okop akwa Uyo otode Heaven emi etiñde ete ke ñkpọ eyefiak ọfọn ntem ke obufa ererimbot, koro Abasi ke Idemesie eyedidun ye ikot Esie ke edinem ebuana. “Yak inam uduak Fo; nte enamde ke Heaven, yak inam ke isọñ kpasuk ntre” eyesu ke akpanikọ.

John, isun-utom Christ ndien okop Enye emi etiede ke Ebekpo etiñ ọsọñ ete ke eyenam kpukpru ñkpọ edi mbufa. Enye etiñ ete ke Imọ idi eritọñ ye utit, Alpha ye Omega. Ndien utibe mme utibe ñkpọ, Enye emi edide Edisana ọdọñ ediye ikot ọnọ kpukpru owo emi edude ke isọñ: “Owo eke okopde nsat-itọñ, Ami nyekoi mmọñ ke idim mmọñ uwem nnọ enye ọñwọñ ke ikpikpu.” Idim mmọñ oro ana iñwañ mfin. Mmọñ Uwem oro ke ọfọfiọrọ idem idaha-emi, ndien, “Owo eke akande eyeda ñkpọ emi enyene; ndien nyedi Abasi esie, enye eyenyun edi eyen Mi.” Edisana ikot ndinyene ebuana ke obufa enyọñ ye obufa isọñ enyene kpukpru owo. Ñkukure se eyomde eto owo edi owo ndinyene nsat-itọñ mbaña mme ñkpọ spirit emi etode Heaven. Ikot emi asaña ye ntọt ke abaña nsọñ-ibuot emi ufen edide mkpọdiọhọ emi asakde ye ikañ ye brimstone emi edide udiana mkpa. Mmọ emi edude ke otu emi edi mme owot owo, mmọ emi enamde

mbubiam ido ye mbia-idiōn ye mme okpono-ndem; inyuñ idighe mmọ ikpōn, idem mbon esit ndik, ye mmọ emi minimke ke akpanikọ ye kpukpru mme osu nsu edu ke otu emi.

Obufa Jerusalem

Ke udiana ufañ ke itie edikot ñwed nnyin, John etiñ, idighe ndikut obufa Enyoñ ye obufa isoñ ikpōn-ikpōn, edi obufa obio emi edide edisana Jerusalem, nte otode ke Abasi ọsuhọre ke Heaven edi. Enye etiñ ete, “ema enyuñ etim enye idem nte ñwan-ndọ emi ebanade ebeñe ebe.” Angel emen John ke spirit aka ke akwa edikoñ obot onyuñ otim owut enye edisana obio emi, onyuñ okot enye “ñwan-ndọ, ñwan Eyen-erōñ.” Obio ubōñ Abasi emi edi Ñwan-ndọ Christ, itoho ke se edade enam enye nte obio, edi ke ntak mmọ emi ema ekenam esana ye mme enyene ubōñ emi eduñde ke esit. Idighe nti ufọk ye mme efak enam obio. Ukemeke ndinyene odu uwem obio edieke mme owo miduñke ke esit, unyuñ ukemeke ndinyene obio emi mitimke isiak mme usuñ, inyuñ ibop mme ufọk emi mbio obio ediduñde.

Mbon mbuotidem ke kpukpru emana ema edori enyin ke obio emi. Etiñ ebaña Abraham ete, “Koro enye odoride enyin ke Obio eke enyenede nsōñ-nda, eke Andibọp ye andinam Enye edi Abasi” (Mme Hebrew 11:10). Ndien nnyin imokot ibaña nti ikot Abasi eyo oko nte: “Edi ke emi mmọ eyom isoñ eke ọfonde akan, oro edi, isoñ eke odude ke Heaven. Mmọdo inamke Abasi but ndikere Abasi mmọ; koro Enye ama ebeñe Obio ọnọ mmọ” (Mme Hebrew 11:16). Isuñ-utom Christ emi ke ini etiñde ke ibuot kpukpru nditọ Abasi ke eyo esie ama ọdọhọ ete. “Koro nnyin inyeneke obio eke edibigide ke edem emi, edi nnyin iyom obio eke edidide” (Mme Hebrew 13:14). Jesus ke Idemesie etiñ abaña obio emi ke ñwed John ibuot 14.

“Ediwak ufọk edu ke ebiet Ete Mi: . . . mmọñ ñka ñkotim itie nnim nnọ mbufo.

“Ndien edieke ñkade ñkotim itie ntre nnọ mbufo, nyefiak ndi ndida mbufo nnọ Idem Mi; man mbufo enyuñ edu ke ebiet eke Ami ndude.”

Nte emi itimke ibiet enye emi edidide Ebe-ndọ anam eñwoñọ ọnọ enye emi edidide Ñwan-ndọ?

John etiñ ete ke imọ ikut obio emi “nte otode ke Abasi ọsuhọre ke Heaven edi.” Enye edi uduot emi otode Heaven. Enye edi se Abasi adade saña-saña ọkpọsōñ odudu ye ifiọk Esie anam. Enye emi akanamde ererimbot edi Andinam obio emi. Enye ikoyomke uñwam ubọk owo ke ndibọp Obio oro. Obio oro iyomke ata-ọbọp-ufọk mme owo utom ke ebede Abasi. Uyai obio emi ọsōñ nditiñ mme ndikut; ubōñ Abasi oto ke enye ọwọrọ. John eketiñ abaña enye nte obio emi edade ata nsōñ-urua itiat enam, itiat jasper, asak nte crystal. Itiat jasper enyene nsio-nsio ñwed nte eke akpara, edi owo ikemeke ndikut ñkpọ mbe ke enye. Obio emi etie nte jasper edi idighe ñkim-ñkim. Enye etie nte ata nsōñ urua diamond, asak nte crystal, ekeme ndineñere ñkut ñkpọ mbe ke enye.

Enye enyene “ibibene emi okponde onyuñ okoñde” emi edade jasper ebọp, ndien ibibene oro odoro ke itiat-ukot-ufọk duopeba emi kiet kiet edide nsio-nsio nsōñ-urua itiat. Mme ñkpọ edu emi esōñde owo ndikut emi eyede enyuñ ebigide emi edide mme nsōñ urua ñkpọ uto. Mme oruk ñkpọ uto emi duopeba ke eda enam mme itiat-ukot-ufọk emi ebọpde mme ibibene jasper ye obio ke idem esie edori. Ke mme ibibene emi, usuñ udopeba ye inua-otop duopeba edu; enam inua-otop kiet-kiet ke pearl eke otimde ọsōñ.

Mme owo ebọp ata ndiye obio, eda mme nsio-nsio nsōñ-urua itiat ye ukwak ebọp mme ufọk ke esit, ediōñ enyuñ etuk mmọ tutu mmọ etim eye; edi kpa ye oro mmọ idighedi ñkpọ ke ndida ndomo ye obio emi. Ke kpukpru obio ke ererimbot, ñkañ kiet odu emi mme owo eyuhode ke ndida mmem urua ñkpọ mbọp, oro edi ñkañ kpukpru owo edighide ke ikpat. Ntre emi otim emenere ekikere owo ndikere mbaña uyai obio Heaven emi, emi idem mme efak esie edide ata gold. Ke akpanikọ gold oro edi ata eti gold eke owo mikemeke ndida ndomo ye ata eti gold eke ererimbot emi etimde etem; gold emi enyenede ñwọrọ-nda uyai eke Heaven, oro edi, añwaña nte ata eti crystal.

Idem ubom ediye obio emi, ye mme ndiye ufọk, ke akpanikọ eyaña ekikere esit owo. Nte ata nti udomo ñkpọ eset ewutde mile nnyin kiet ọwọrọ furlong itiaita. Emi ọwọrọ ete ke obio emi eyedi mile 1,500 ke ndisaña ñka ñkañ kiet. Tim kere obio emi okpokponde tōñọ ke adaña Canada tutu osim adaña Mexico; tōñọ ke mben akpa Pacific tutu ekpere ndisim Inyañ Mississippi. Ikureke ke oro: etiñ enọ nnyin ete ke “uniōñ ye ubom ye idaha esie edi ukem-ukem.” Ekeme ndidi ke ebọp efak Edisana Obio emi John okokutde mi ke enyoñ efak, ufọk enyoñ ke enyoñ ufọk enyoñ ndien enye ọniōñ okosim mile 1,500. Emi edi obio “ediwak ufọk” emi ekeñwoñode.

Ke esit obio emi, mme ufok ibok ididuhe, koro “eseme ye ntuaña ye ubiak idinyuñ iduhe aba.” Ufok ikpo ididuhe aba, koro “mkpa idinyuñ iduhe aba” ke mme adaña esie. Ke edibop obio emi ebiet mme Police, mme ufok-mkpokobi ye mme ebiet ukpep ndiqi owo ndikabare iduhe, koro “baba ñkpọ ndek kiet ididukke ke esit ye owo eke anamde mbubiam ido onyuñ osude nsu.”

Okposuk edi ikañ ilektrik edide utibe-ñkpọ, ke ediye obio emi owo idiyomke ikañ baba, kpa idem uñwana utin mme ofiñ ididuhe, koro etiñ enọ nnyin ete, “ubon Abasi anamde enye añwaña, Eyen-eron onyuñ edide utuenikañ esie.” Ke obio emi, John ikekwe Itie-ukpono Abasi. Emi idighe koro erituak-ibuot nnọ Abasi eyetre mme ebuana ye Abasi ididuhe aba. Adaña ini nte Abasi odude, ima ye erikpono Enye, mme edituak ibuot nnọ Enye ikemeke nditre. Utu ke oro Abasi ke idemesie ye Eyen-eron edi Itie-ukpono Abasi obio emi. Mme andituak ibuot do enyene nnen-nnen ebuana ye Abasi ke ubon Esie emi akanarede mmọ ye obio okuk ukem-ukem. Nte ndisana oku, mmọ idahemi eyeduk ke Ata Edisana Ebiet, ke ata obubit enyon emi ubon Abasi akarade. O, nso utọ uyai ini iso ebet mmọ emi ewetde enyiñ mmọ esin ke Nwed Uwem Eyen eron!

**“O Abasi, nim utip eke ndoride enyin ke esit mi tutu usiere;
Yak mba mbuotidem ye ima esuk emen mi esim ke enyon ke ifure
Tutu eyara mi anyanya erikan.”**

MME MBUME

- 1 Tiñ ibio-ibio mme nti ñkpọ eke edude ke obufa Heaven, obufa ison ye Obufa Jerusalem?
- 2 Nso idi ntak emi John okodohode ikọ emi “ñwan-ndọ” ke nditiñ mbaña Obufa Jerusalem?
- 3 Nso ikedi mme udomo obio emi?
- 4 Tiñ baña nte ebopde obio emi.
- 5 Mme anie edi nditọ ison obio emi?
- 6 Nso ndutim ke enam ebaña ukpono Abasi ke Edisana Obio emi?